

**PETIKAN MINIT MESYUARAT
JAWATANKUASA PENGURUSAN UNIVERSITI KE-526
PADA 1 OKTOBER 2014 (RABU)
[sebagaimana disahkan pada 8 Oktober 2014]**

Kepada : Timbalan Naib Canselor (Jaringan Industri dan Masyarakat)
Ketua Pentadbiran Jaringan Industri dan Masyarakat
Ketua PTJ

Daripada : Urus Setia Mesyuarat
Pejabat Naib Canselor

Tarikh : 13 Oktober 2014

MINIT 526.05(e):

Permohonan Untuk Menyumbang Peratus Tertentu Dari Keuntungan Bersih Tabung Kepakaran PTJ Untuk Akaun Amanah Jaringan Industri dan Masyarakat PTJ [Kertas JPU Bil. 526/6]


Mesyuarat menimbang Kertas ini dan-

- (a) mengambil perhatian cadangan yang dikemukakan oleh Pejabat TNCJINM supaya peratusan tertentu dari keuntungan bersih terkumpul semasa dan akan datang dalam tabung amanah kepakaran PTJ yang aktif untuk disumbangkan ke akaun amanah Jaringan Industri dan Masyarakat (JINM) PTJ bagi membolehkan PTJ memulakan aktiviti jaringan Industri dan Masyarakat berimpak tinggi;
- (b) dimaklumkan bahawa Tabung kepakaran staf tersebut adalah dari kategori akaun amanah program master tanpa tesis dan akaun amanah kursus/ seminar/ bengkel/ konferensi PTJ sedia ada dan berstatus aktif. Pihak Bursar dimohon untuk mengecualikan caj perkhidmatan untuk jumlah yang disumbangkan oleh tabung kepakaran PTJ sedia ada untuk akaun amanah JINM PTJ;
- (c) mengambil perhatian justifikasi penyumbangan peratusan tertentu dari keuntungan bersih tabung kepakaran PTJ untuk akaun amanah JINM PTJ seperti berikut
 - (i) belanjawan tahunan UPM tidak memperuntukkan sumber kewangan untuk aktiviti JINM PTJ/Universiti;
 - (ii) sumber peruntukan permulaan (*seed money*) diperlukan bagi pengendalian aktiviti JINM yang menyasarkan jaringan berimpak;
 - (iii) sumber dana yang diperoleh dari geran Program Pemindahan Ilmu (KTP) Kementerian Pendidikan

**PETIKAN MINIT MESYUARAT
JAWATANKUASA PENGURUSAN UNIVERSITI KE-526
PADA 1 OKTOBER 2014 (RABU)
[sebagaimana disahkan pada 8 Oktober 2014]**

Malaysia (KPM), NBOS KPM dan Industri adalah untuk keperluan perbelanjaan yang telah ditetapkan;

- (iv) pendapatan akaun amanah JINM juga adalah untuk membiayai aktiviti akademik seperti mobiliti latihan industri pelajar ke luar negara dan aktiviti melibatkan pembinaan sahsiah pelajar;
- (d) YBhg Prof. Dato' Naib Canselor secara prinsipnya bersetuju cadangan yang dikemukakan oleh Pejabat TNCJINM supaya peratusan tertentu dari keuntungan bersih terkumpul semasa dan akan datang dalam tabung amanah kepakaran PTJ yang aktif untuk disumbangkan ke akaun amanah Jaringan Industri dan Masyarakat (JINM) PTJ. Bagaimanapun, sumbangan keuntungan bersih tersebut perlu mendapat kelulusan pemegang amanah tabung kepakaran berkaitan dan pihak pengurusan PTJ. PTJ disaran untuk membuat tambahan skop penggunaan tabung amanah berkenaan sesuai dengan hasrat cadangan yang dikemukakan ini.


MOHD NAZRI BIN MD YASIN
Setiausaha
Mesyuarat Pengurusan Universiti

Tindakan: TNCJINM, KP JINM & Ketua PTJ

**UNIVERSITI PUTRA MALAYSIA
PEJABAT TIMBALAN NAIB CANSELOR (JARINGAN INDUSTRI DAN MASYARAKAT)**

**Kertas Cadangan Untuk Pertimbangan
Mesyuarat Jawatankuasa Pengurusan Universiti Putra Malaysia**

**PERMOHONAN UNTUK MENYUMBANG PERATUS TERTENTU
DARI KEUNTUNGAN BERSIH TABUNG KEPAKARAN PTJ
UNTUK AKAUN AMANAH JARINGAN INDUSTRI DAN MASYARAKAT PTJ**

1. TUJUAN

Kertas cadangan ini bertujuan untuk mendapatkan pertimbangan dan kelulusan Jawatankuasa Pengurusan Universiti (JPU) berkaitan cadangan supaya peratusan tertentu dari keuntungan bersih terkumpul semasa dan akan datang dalam tabung amanah kepakaran PTJ yang aktif untuk disumbangkan ke akaun amanah Jaringan Industri dan Masyarakat (JINM) PTJ bagi membolehkan PTJ memulakan aktiviti jaringan Industri dan Masyarakat berimpak.

2. LATAR BELAKANG

- 2.1 Matlamat 3 Pelan Strategik UPM 2014-2020, 'Melonjakkan Perkhidmatan Jaringan Industri dan Masyarakat' telah menggariskan antara pelan tindakan PTJ adalah mewujudkan akaun amanah JINM bagi menjana pendapatan untuk membiayai aktiviti JINM. Pelan tindakan ini dinyatakan di bawah Objektif Strategik ke-3 Matlamat tersebut iaitu 'Menjana Pendapatan Untuk Menyokong Aktiviti JINM'.
- 2.2 Selari dengan itu, Petunjuk Prestasi Utama (KPI) JINM Universiti 2014 di bawah komponen penjanaan pendapatan JINM menggariskan keperluan PTJ menjana sekurang-kurangnya RM30,000.00 untuk akaun amanah JINM PTJ pada 2014.
- 2.3 Mesyuarat Jawatankuasa Permohonan Pembukaan Akaun Amanah UPM pada 14 Mac 2014 telah meluluskan pembukaan akaun amanah JINM untuk 32 PTJ yang dikenal pasti terlibat secara langsung menyokong fungsi JINM.
- 2.4 Sumber penjanaan pendapatan bagi akaun amanah JINM akan diperoleh melalui penggembangan khidmat kepakaran staf dan sumbangan dari pihak Industri dan Komuniti. Pendapatan bersih dari akaun amanah tersebut akan digunakan untuk pengendalian aktiviti JINM berimpak serta turut diperluaskan bagi membiayai aktiviti akademik dan pelajar.
- 2.5 Pengendalian akaun amanah JINM akan diletakkan di bawah tanggungjawab dan pengendalian PTJ sepenuhnya, bagaimanapun pihak PTJ perlu melaporkan prestasi akaun amanah JINM tersebut untuk pelaporan KPI Universiti bagi suku Ke-2 dan Ke-4.

3. CADANGAN PTJ

- 3.1 Setakat suku ketiga 2014, sebanyak (8) PTJ telah membuka akaun amanah JINM bagaimanapun belum ada aktiviti dijalankan bagi pengisian akaun.
- 3.2 Pihak PTJ telah mencadangkan agar PTJ yang mempunyai tabung amanah kepakaran aktif supaya menyumbang peratusan tertentu dari keuntungan bersih terkumpul semasa dan akan datang dari akaun tersebut untuk akaun amanah JINM PTJ. Tabung kepakaran staf tersebut adalah dari kategori akaun amanah program master tanpa tesis dan akaun amanah kursus/ seminar/ bengkel/ konferensi PTJ sedia ada dan berstatus aktif.
- 3.3 Permohonan ini sebagai satu kaedah pengisian pendapatan akaun amanah JINM selain pengendalian aktiviti baru. Bagaimanapun, sumbangan keuntungan bersih tersebut perlu mendapat kelulusan pemegang amanah tabung kepakaran berkaitan dan pihak pengurusan PTJ.
- 3.4 Memohon pengecualian caj perkhidmatan untuk jumlah yang disumbangkan oleh tabung kepakaran PTJ sedia ada untuk akaun amanah JINM PTJ.

4. JUSTIFIKASI

Justifikasi penyumbangan peratusan tertentu dari keuntungan bersih tabung kepakaran PTJ untuk akaun amanah JINM PTJ adalah seperti berikut:

- 4.1 Belanjawan tahunan UPM tidak memperuntukkan sumber kewangan untuk aktiviti JINM PTJ/Universiti.
- 4.2 Sumber peruntukan permulaan (*seed money*) diperlukan bagi pengendalian aktiviti JINM yang menyasarkan jaringan berimpak.
- 4.3 Sumber dana yang diperoleh dari geran Program Pemindahan Ilmu (KTP) Kementerian Pendidikan Malaysia (KPM), NBOS KPM dan Industri adalah untuk keperluan perbelanjaan yang telah ditetapkan.
- 4.4 Pendapatan akaun amanah JINM juga adalah untuk membiayai aktiviti akademik seperti mobiliti latihan industri pelajar ke luar negara dan aktiviti melibatkan pembinaan sahsiah pelajar.

5. SYOR

JPU adalah dimohon untuk menimbang dan meluluskan cadangan supaya peratusan tertentu dari keuntungan bersih terkumpul semasa dan akan datang dalam tabung amanah kepakaran PTJ yang aktif untuk disumbangkan ke akaun amanah JINM PTJ bagi membolehkan PTJ memulakan aktiviti jaringan Industri dan Masyarakat berimpak.